



Im Juli 2011

**ASF** Ditzenbacherstr. 26, 73342 Auendorf

# Ladbrieaf

Ell Johr geit´s in Auendorf a großes Feschk,  
wo jong ond ald von hiar ond ehemalige gangad wieder en ihr Hoimadneschd.

En´s scheene Hegemarkdorf nach Ganslosa i - schdellverdrädend fir ella Veranschdallder - eich eilad,  
wo´s seid neiaschdem geit an Hegemarkpfad  
mid Schilder, wie dia Hegemark m´r herschdella duad,  
ond am Hegemarkliead, en dem wird klar, dass ons Auendorfer nia verlassa duad d´r Muad.

Mir send schaffige, bodaschdendige Leit  
end feira kenna m´r em Sommerfeschk, wo´s ellas geit:  
a Musi von "Robert ond´r Dine", "Daniel ond Steffen", d´r Musikkapell von Ditzabach, dem Posaunachor  
ond net zuletschd vom g´mischda Chor,  
bassed no auf, eich wird elle waggla sÓhr.

Au´s Danzbein kenna d´r schwinga  
ond vor ellam guade Laune mitbrennga!

Au a g´sonder Abbedid wär net schlecht  
fir´s Backhausbrod, d´r guade Kuacha, d´r schwäbische Kardoffelsalad ond vieles mehr,  
m´r hoffad, dia vieale fleißige Leiad machad´s eich recht.

Di Schwoba saged ja, ned g´schempft isch gnuag gloabt,  
abber denkad d´ra, wenn´d Musi ond di Schdemmong dobt:  
Bleibad g´schedad ond auf´m Boda  
ond dend au dankbar mol di Helfer loba.

Loba dem´r onsern Herrgod em Gottesdenschd am Sonndichfrüh  
ond danka ihm fir ellas, was m´r hend, sei Gnad, Haus, Hof ond Küha...

Au onsre Kender vom Kendergarda hend f´r Eich was vorbereitet.  
Si freiad sich scho ond wünschted sich, dass Ihr Ihne Eire Ohra leiad.

Di Jungschütza ond die Tombola isch au wieder mid von d´r Partie  
ond m´r ella freiad ons auf Dich ond Dich ond Sie!!!

**Ihr  
gemischter Chor**

Karl Straub

**Ihre  
Schützengesellschaft**

Ralf Doll

**Ihre  
Ev. Kirchengemeinde**

Birgit Enders, Pfarrerin